

Сенда 86 минг 400 доллардан қимматроқ бойлик бор



14:00 / 30.01.2023 2478

Донишманд тикувчининг олдига бир йигит шим тиктириш учун келди. Тикувчи келган йигитнинг юзига қаради, юзида маъюслик, ғазаб асари бор эди.

Тикувчи унга: «Сенга шим тикиб бераман, лекин сени маъюс ҳолда кўряпман-а?», деди.

Йигит: «Дўстларимдан бири билан ўртамизда арзимаган сабаб ила жанжал бўлди. Эрталабдан шундай аҳволдаман» деди.

Донишманд тикувчи йигитга: «Агар сендан: «Сенинг 86 минг 400 доллар пулинг бўлса, сен жанжаллашган шахс 10 долларингни ўғирласа, қўлингда 86 минг 390 доллар пул туриб ўша ўғрининг ортидан борармидинг ёки йўлингни давом эттирармидинг?» деб сўрасам, нима дердинг?» деди.

Йигит: «Албатта, ўғрини тарк этиб, йўлимда давом этардим ва қўлимдаги кўп миқдордаги пулни эҳтиёт қилардим» деди.

Тикувчи йигитга: «Сен шундай қилишинг керак. Афсуски, сен 10 доллар ортидан юриб, 86 минг 390 долларни йўқотяпсан» деди.

Йигит: «Қандай қилиб?» деб сўради.

Тикувчи: «86 минг 400 – бу сенинг бир кунингнинг сонияларидир. Сенга 10 сонияда айтилган оғриқли гапни деб қолган сонияларингни зое қиляпсан. Биргина сўз сенинг кун бўйи қувватингни суғуриб олишига йўл қўйма. Эсингда тут, вақт пулдан қимматроқдир. Ўтаётган вақтинг ҳеч қачон қайтиб келмайди. Билиб қўй, ёмонлик қилишни истаган одам худди қайчига ўхшаб одамларнинг орасини бузиб, уларни парчалайди. (Қайчи матони қирқиб, уларни бўлакларга бўлиши назарда тутилмоқда). Сен қайчи бўлакларга бўлган матоларни бир-бирига улайдиган игна каби бўлиб, одамларнинг орасини ислоҳ қилгин» деди.

Аллоҳ таоло Қуръони Каримда шундай марҳамат қилган:

نُومَحْرُوتٌ مِّنْ كَلِمَاتٍ لِّلَّهِ لَئِيْلًا اَوْقَاتٍ اَوْ مِّنْ كَلِمَاتٍ وَحَىٰ اَنْ يَّبِ اَوْحِلْ صَافٍ ؕ وَخِ اِنُّنْ مِّنْ مَّوْمِنٍ اَلَا اَمِّنْ اِ

«Албатта, мўминлар биродардирлар, бас, икки биродарингизнинг ўртасини ислоҳ қилинг ва Аллоҳга тақво қилинг, шоядки, раҳм қилинсангиз» (Хужурот сураси, 10-оят).

Бизда 86 минг 400 доллардан қимматроқ бойлик бор. Бу вақтдир. Уни зое қилмай қадрига етайлик. Аллоҳ таоло барчамизни ислоҳ қилувчи бандаларидан айласин!